

Sägad¹⁾, was loufod ou hüt sovol Lütt? — An Rittblatz²⁾
goht gär alls.

Spitzruoto loufo³⁾ muoß gweoß däna Dragonar dött, luol
Us om Kasärmo-Hof⁴⁾ bringt ma-n eotz, d' Händ uf-o Ruggo
fest bundo.

Bloß ist si Obor-Lib, wiß; und eotz zwüscht zwo Raihja
Dragonar

duor-loufo⁵⁾ muoß ar, dear arm! Dragonar muond fest uf
Befeahl eotz

houo mit Ruota⁶⁾-n, eb gearn odor ou ugearn, däs'ist gli⁷⁾.
Dear, wo muoß loufo, brecht zämme binoh, heat bluo-
undorloufne⁸⁾,

blaurote Schwila-n-und Wöorst, und Hutt-Läntscho⁹⁾ hangad
om abar¹⁰⁾.

Zwio von Dragonar händ zuo-gschlago nid¹¹⁾ — dear wo
loufo muoß damol,

beidna dear allarbest Fründ ist as; — zuo-ghouo¹²⁾ heat
eotz dromm kuona.

Glai heat ma-n-ab-gführt die beid i Kasärmo, muond¹³⁾
Spitzruoto loufo

moandrigs¹⁴⁾ no längor as dear, Gnod¹⁵⁾ gitt as kuone,
fürwohr. —

— — — — —

I-n-or Kasärmo-n-ionn schnachlat¹⁶⁾ und schloft ganz rüobig
z' Nacht d' Mannschaft — — —

Uf-gstando huomle¹⁷⁾ siond dio zwio Dragonar, d' Ströflig¹⁸⁾,
di beido,

düslad und dichod¹⁹⁾ in Söcko-n-as Fiostor²⁰⁾, knöpfod,
vorstätod²¹⁾,

woalle am Krütz-Stock a Soal, lond se dra abe und siond
gsprungo dom Beorg²²⁾ zuo, di Flüchtlig; Moarga-n-eotz
weord as und diomor²³⁾

kommod zur Rappoloch-Brugg p'Flüchtlig Dragonar und händ
dötta-n-an Rast gmacht a Wil²⁴⁾, händ lang, lang i Tüfe ou
gluogat.

Dänara Loch²⁵⁾ händ Dragonar vilicht si Leabtag²⁶⁾ nio
gseachat.